

lari Sulphure, facili negotio copulabitur, & successu temporis tandem transformabitur in Carbunculum raricundissimum.

En aquam pluviam, plane aeriam, ætheriam, purissimam: quæ facile unitur cum terra hac sua tenuissima, & denique transit in ignem omnium subtilissimum, & perfectissimum. En illud oleum, seu balsamum philosophorum vere incombustibile; Aquam Regiam permanentem; Acerum illud philosophicum, omnia sublunaria corpora vere solvens, & in principia sua redigens: Chymiatri nostris Vulgaribus, Carbonariis, & Spargyricis Vulcanicis plane ignotum. En Phæbum Philosophorum Hermeticorum, quem Phœbus ille cœlestis, vereque vitalis produxit in hoc mundo inferiore: cui tanquam Filio cum primis dilecto, omnes omnium siderum, plantarum, lapidarum, animalium, ac mineralium proprietates & virtutes indidit, in forma quidem visibili ac sensibili: quas ipse in forma plane cœlesti, ætheria, insensibili, & quasi spiritali possidet.

AURELIUS. Proh Deum immortalem quid video? Agnosco equidem materiam proximam veri illius, & vivifici rerum balsami; aurificumque illud Semen, Radicem vernantem ac virefcentem, imo matrem ipsam Solis Metallici foecundissimam.

APOLLONIUS.

*Semina hæc tantum puro spiramine ad auras
Ætherias, quantum radice in tartara tendunt:
O Auri tenues, Aura ò penetrabilis ignes!*

PALLADIUS. O sacrosanctum, ò summum Physicorum mysterium! En oculis conspicio nitidissimam illam Solis, imo Ætheris alti progeniem; Naturæ Miraculum, seu Organum multiplicis, ut sic loquar, Mirabilis in sublunari hoc mundo.

AURELIUS. O Speculum totius Luminis Naturæ splendidissimum! Nunc ego longe aliis oculis, quam antehac, intueor Solem illum excelsum, ac cœlum ipsum sidereum, & æthereum, totumque hoc pulcherrimum mundi sublunaris theatrum: causarum denique naturalium profundissima fundamenta iam nunc altiore ingenii indagine exquirere, atque exsculpere, evoluerè, atque revolvè, a veo & gestio: Iamque mihi ad ipsum Solis solum aureum, ætherium, & vivificum magis magisque ascendere, propiusque accedere videor.

PALL